



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : THE SALVATION ARMY TIN KA PING SCHOOL

学校名称 : 救世军田家炳学校

Name of Play 剧名 : 快乐的根源

Script writer 剧作者 : 邱建丰老师

Synopsis 故事大纲 :

故事是关于两个来自完全不同的家庭背景的孩子，一个是家境富裕的黄芊芊，而另一个是家境清贫的冯小聪，两人都对快乐有着不一样的看法。小聪与芊芊的成绩一向都名列前茅，芊芊为要赢过小聪，不惜跟踪小聪，誓要找出小聪比自己强的秘密……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序幕

老师： 大家好，我系一位老师嚟嘅，你地可以叫我蔡 SIR。我有一件事，系一件真得嚟又唔算系好真，假得嚟又唔算系好假嘅事想同大家分享。不过响同大家分享呢件事之前想问吓大家一个问题：你地知唔知乜嘢叫快乐呢？

(留少少空间给观众俾反应)

(6 个演员出场在台上行逛)

老师： 快乐是一种感受良好时的情绪反应，一种能表现出心理状态的情绪。而且常见的成因包括感到对健康、安全、爱情等之满足。快乐最常见的表达方式就是笑。通常我们认为达到快乐，是需要喜爱自己从事的工作和爱。数据源：维基百科

老师： 咁对于你地嚟讲，你地又觉得点先会快乐呢？

(聪转身)

聪： 由朝玩到黑，乜都唔驶做

老师： 如果我俾你一日二十四小时、一年三百六十五日，不眠不休咁打机，打足三年，然后你得到嘅系肌肉劳损、生骨刺、颈椎移位、抽筋、社交焦虑、抑郁症、情绪失控、最后仲有自残倾向，咁你仲快唔快乐呀？

(晴转身)

晴： 唔驶郁，一直瞓响张床度

老师： 如果俾你每日不断瞓完就醒，醒完又瞓瞓醒又，你人生余下嘅所有时间都只可以响张床上面，所有嘅起居饮、大小二便都不能自己，咁你仲快唔快乐？

(MARIA 转身)

MARIA: 咩都唔紧要，我最紧要靚

老师： 我俾你靚足一世，住靚屋、着靚衫、坐靚车、食靚嘢，但系要你一世对住一个全宇宙最样衰嘅男人，咁你又快唔快乐？

(芊妈转身)

芊妈： 我食饱就得嫁喇

老师： 保证你一定饱，但系俾你食得唔痾得，咁又如何呀？

(芊转身)

芊： 自由自在，无人管我

老师： 放你响亚马逊森林入面生活，你绝对可以自由自在，无人管你，不过狮子、猛兽、食人鱼、食人花、食人族，得闲就过嚟关心吓你又点？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(芊爸转身)

芊爸： 有钱，做乜都得

老师： 呢位先生，好似好有见地咁喎

芊爸： 有钱万万都行，冇钱就晚晚头痕

老师： 唔通一个人只要有钱就真系会快乐？响无几耐之前我就经历咗一件咁嘅事.....

(LIGHT CHANGE)

第二幕 嫌隙之始

(大幕开，班房景)

老师： 今次上学期考试嘅成绩出咗喇，而今次考到全级第一嘅同学，又系响我地班喎

(芊、Maria 出)

黄芊芊： Wait a minute! Wait a minute!

啱，盏光管咁「残」眼嘅，MARIA，太阳眼镜

MARIA: YES,小姐

(连带开伞，电风扇)

MARIA: 小姐，嚟饮啖水吖。

黄芊芊： 做咩啫你，我都有话口渴，咪咁烦啦。

MARIA: YES,小姐，SORRY，小姐。

老师： 阿黄芊芊同学，你已经迟到嫁啦，唔该你尽快坐低吖。

黄芊芊： OK!OK!OK! SORRY,呀蔡 SIR，头先我入嚟果阵，你讲紧啲咩话？

MARIA: 小姐，阿 SIR 头先讲紧边个考全级第一呀。

黄芊芊： 哦，咁唔驶问蔡 SIR 啦，个答案梗系

MARIA: 小姐你啦。

老师： 咳，咳，阿黄芊芊同学你都系全级，不过系全级第二，考到全级第一嘅系冯小聪同学呀！

黄芊芊： 冇冇搞错呀，我日补夜补先考得个全级第二，点解又系只四眼肥龟考第一嫁。

MARIA: 唔驶审肯定有蛊惑啦。

黄芊芊： 九乘九出猫啦。

冯小聪： 唔系呀，唔系呀，我真系靠我自己努力考个第一番嚟呀。虽然我有钱去补习，但系每一堂老师讲嘅我都好留心去听嫁，仲有呀，每一晚做完功课我都会温习。你地信我啦，我真系冇出猫嫁。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

黄芊芊： 唔好讲笑啦，而家咁嘅年代唔驶补习都可以考第一？！真系信你一乘，双目失明呀。我就唔信喇，我话你十乘十肯定系出猫。MARIA 你话是不是呀？

MARIA: 系呀.....系呀。

冯小聪： 冇呀，我真系冇呀。

老师： 黄芊芊同学，你唔好冤枉人嘞，首先我相信小聪绝对唔系咁样嘅人，其次你技不如人，仲侮辱同学，太唔要得喇。

黄芊芊： 我冤枉佢？！蔡 sir 我而家好怀疑你有心包庇佢嘞！好！我而家就去搵校长，我就叫佢查清楚，究竟你只四眼肥龟系点样出猫嘞，到时我睇吓你仲有冇得唔认。我地走。哼！

(芊与 Maria 离开)

(LIGHT CHANGE)

第三幕 学校门外

(芊, MARIA STANDBY)

黄芊芊： 冇冇搞错呀，要我响学校门口等咁鬼耐，想热死我咩。

(MARIA 忙着为芊抹汗，拿风扇)

芊母： 哎咗，我芊芊宝贝女咩事 CALL 得我地咁急，仲要发咁大脾气呀？

(芊母上前安慰，芊不领情，发脾气甩开芊妈)

黄芊芊： 咪又系果个咁嘅冯小聪嘞，今次又俾佢攞咗我个全级第一呀。

(芊爸讲着手提电话入)

芊母： 哦，咁样呀，唔紧要，唔紧要，一定系你啲补习老师唔够好啫，等妈咪帮你换过一批好啲嘞，最紧要呢，就系我宝贝女开心，要洗几多钱绝对唔系问题。

(芊行向芊爸)

黄芊芊： 我真系唔明呀，佢穷到连一个补习老师都请唔起呀，我就一科一个，连圣经科都特别请个牧师嚟教我呀，我都仲系考得个第二，你话有冇搞错咩，激死人呀！

(芊瞄芊爸，芊爸仍在讲电话)

黄芊芊： (大声)哼.....

芊爸： 唔同你讲住呀，我宝贝女发脾气呀，总之啲嘢你同我搞掂佢。系.....系咁啦。(收线)
阿女，咩事呀，今次又边个激亲你呢？

芊妈： 哎咗，咪又系果个，咩咩冯咩.....冯.....冯小聪嘞，佢又抢咗我地个女个全级第一呀。